

Upcycle Center Serlimar a habri su porta pa comunidad di Aruba



ORANJESTAD (AAN): Despues di un trayecto largo di un aña caminda diferente investigacionan a tuma luga, cu hopi orguyo Serlimar a haci apertura oficial di nan Upcycle Center.

Prome Minister Evelyn Wever-Croes a corta cinta hunto cu Minister di Infraestructura y Medio Ambiente, Otmar Oduber, y Parlamentarionan Endy Croes, Alan Howell y Edgar Vrolijk.

Serlimar a logra structura e proyecto aki den un centro total cu lo ta dedica na procesonan creativo y educativo relaciona cu “upcycling” y “recycling” di diferente tipo di material. Segun Minister di Desaroyo Teritorial, Infraestructura y Medio Ambiente, Otmar Oduber: ‘locual cu kier logra cu e Upcycle Cen-



ter aki ta pa tur ciudadano realisa cu nos tin un responsabilidad global pa e forma con nos ta atende cu desperdicio. Gobierno a scoge pa bay den direccion di ‘waste to energy’ a traves di un incinerador sinembargo e intencion tras di e Upcycle Center ta pa conscientisa e generacion nobo (nos hobennan) tocante nos produccion di sushi e forma con ta atende cu desperdicio.”

Upcycle Center Serlimar a habri su porta pa comunidad di Aruba

ORANJESTAD (AAN): Despues di un trayecto largo di un aña caminda diferente investigacionnan a tuma luga, cu hopi orguyo Serlimar a haci apertura oficial di nan Upcycle Center.

Prome Minister Evelyn Wever-Croes a corta cinta hunto cu Minister di Infraestructura y Medio Ambiente, Otmar Oduber, y Parlamentarionan Endy Croes, Alan Howell y Edgar Vrolijk.




Serlimar a logra structura e proyecto aki den un centro total cu lo ta dedica na procesonan creativo y educativo relaciona cu "upcycling" y "recycling" di diferente tipo di material.

Durante e anochi tabatin presentacion di un proyecto, na unda Serlimar a traha conhuntamente cu organisacionnan local entre otro: Fundacion Pa Nos Comunidad, ArteSano, Luna Foundation y Mondiero, cu tin experticio den cuadro di procesonan di reciclahe, pa asina cada un di e organisacion aki traha riba un of mas tipo di material cu e obhetivo pa re-uzar, recicla y "upcycle". E meta principal ta pa duna e materialnan cu ta wordo colecta den e centro un di dos bida pa nan por sigui wordo uza.

E materialnan cu lo wordo acepta den Upcycle Center Serlimar ta: plastic, aluminum, papel, carton, caha, paña, sapato, cos di hunga, buki, pallet y mueblenan bieu. E materialnan aki lo haya un otro bida y proposito despues cu nan caba di wordo recicla. Un di e prioridatnan di e Upcycle Center pa cu e materialnan aki ta cu nan mester ta limpi y den bon condicion conforme cu e reglanan stipula pa e centro aki.

E reglanan stipula a wordo implementa pa asina preveni cu lo bay ricibi materialnan kibra y sushi cu lo por atrae bestia den e centro y alabes cu no lo ta di e calidad pa wordo recicla. Tur material cu yega na Upcycle Center lo wordo controla prome cu wordo descarga pa e personal di e centro.

Segun Minister di Desaroyo Teritorial, Infraestructura y Medio Ambiente, Otmar Oduber: 'locual cu kier logra cu e Upcycle Center aki ta pa tur ciudadano realisa cu nos tin un responsabilidad global pa e forma con nos ta atende cu desperdicio. Gobierno a scoge pa bay den



direccion di 'waste to energy' a traves di un incinerador sin embargo e intencion tras di e Upcycle Center ta pa conscientisa e generacion nobo (nos hoben-

nan) tocante nos produccion di sushi e forma con ta atende cu desperdicio. Unabes comunidad cera conoci cu e proyecto y e intencion cu tin cu gruponan, fun-

dacionnan y hobennan, hunto ta logra e meta cu a pone dilanti pa logra cu comunidad ta bira mas consciente riba e tema aki.

Upcycle Center Serlimar ta habri entre 9'or di mainta te cu 7'or di anochi di dialuna pa diabierna, y ariba diasabra di 9'or di mainta pa 1'or di merdia.